

М-СИ-ЭС РАШААН

Байршил:	Монгол Улс
Төслийн дугаар:	50226
Бизнесийн салбар:	Хөдөө аж ахуй, хүнсний бизнес
Мэдэгдлийн төрөл:	Хувийн
Байгаль орчны ангилал:	В
Захирлуудын Зөвлөлөөр хэлэлцэх төлөвлөгөөт огноо:	2021 оны 09 дүгээр сарын 08
Статус:	Эцсийн хяналтаар орсон, Захирлуудын Зөвлөлийн шийдвэр хүлээж байгаа
Төслийн тойм материал (PSD) танилцуулсан огноо:	2018 оны 8 дугаар сарын 17

Төслийн танилцуулга

М-Си-Эс Групп болон түүний охин компаниуд болох ундаа үйлдвэрлэгч М-Си-Эс Кока Кола ХХК болон ложистикийн Тотал Дистрибьюшин ХХК-д олгох 101.8 сая ам.доллар хүртэлх дүнтэй урт хугацааны синдикат зээл.

Төслийн зорилго

ЕСБХБ-ны санхүүжилтээр i) байгалийн рашаан усыг Монголд савлаж үйлдвэрлэх шинэ байгууламж барих, ii) хөдөө орон нутаг дахь хүнс, ундааны бүтээгдэхүүний түгээлтийн ложистик чадавхийг (улс орон даяар агуулах барьж байгуулах замаар) өргөтгөж, ашигт ажиллагааг нь сайжруулах, iii) санхүүгийн өр зээлийг дахин санхүүжүүлэх замаар төлбөр хийх хугацааг сунгаж, хөрөнгийн бүтцийг сайжруулах, iv) үйлдвэрлэлийн хүчин чадлыг нэмэгдүүлэх зэрэгт оршино.

Шилжилтийн нөлөөлөл

Хүлээгдэж буй шилжилтийн нөлөөлөл 62 оноо.

Төслийн шилжилтийн нөлөөлөл нь нэгдмэл чанар болон өрсөлдөх чадварыг сайжруулах хүлээлттэй байгаа. М-Си-Эс Кока Кола болон Тотал Дистрибьюшин компаниудын хөрөнгө оруулалтын хөтөлбөрийг санхүүжүүлснээр тус Төсөл i) байгалийн рашаан усны шинэ бүтээгдэхүүний ангилал бий болгох, ii) байгалийн рашаан усны бүтээгдэхүүнийг борлуулалтын өндөр өсөлттэй, ханаагүй зах зээлүүд болох хөрш Хятад болон Зүүн Азийн бусад оронд экспортлох (зөвхөн дотооддоо борлуулж байгааг одоогийн борлуулалтын сувгийг төрөлжүүлэн өргөтгөх) ажлыг

эхлүүлэх, iii) Монголын хөдөө орон нутагт ундаа, хүнсний бүтээгдэхүүнийг (түүний дотор амархан мууддаг бүтээгдэхүүн) түгээх ажлыг өргөжүүлэх, мөн үр ашгийг нь сайжруулахад дэмжлэг үзүүлэхэд оршино.

Үйлчлүүлэгчийн мэдээлэл

М-Си-Эс Кока Кола ХХК

М-Си-Эс Групп нь анх 1993 онд байгуулагдсан бөгөөд улмаар Монголын хувийн хэвшлийн салбар дахь хамгийн том групп компаниудын нэг болон өргөжсөн байна. Тус Групп нь ус, ундааны үйлдвэрлэл болон хурдан эргэлттэй өргөн хэрэглээний бараа түгээлт, үүрэн телефон, өргөн зурвасын интернэт болон кабелийн телевизийн үйлчилгээ, эрчим хүчний дэд бүтцийн үйлчилгээ, үл хөдлөх хөрөнгө, зочлох үйлчилгээ, уул уурхай зэрэг олон салбарт үйл ажиллагаа явуулж байна.

ЕСБХБ-ны санхүүжилтийн тойм

83,400,000.00 ам.доллар

Урт хугацааны зээл (101.8 сая ам.доллар хүртэлх дүн бүхий синдикат зээл).

Төслийн нийт өртөг

148,324,181.00 америк доллар

Байгаль орчин, нийгмийн харилцааны тойм мэдээлэл

Уг Төсөл нь ЕСБХБ-ны 2014 оны Байгаль орчин, нийгмийн харилцааны бодлогын дагуу “В” ангилалд багтсан. М-Си-Эс Групп нь ЕСБХБ-нд сайн танигдсан, ЕСБХБ-ны Гүйцэтгэлийн шаардлагад нийцсэн төслүүд хэрэгжүүлж ирсэн түүхтэй. Рашаан ус савлах үйлдвэр байгуулан ажиллуулах, түгээлтийн ложистик сүлжээний үйл ажиллагаатай холбоотой байгаль орчин, нийгмийн харилцааны эрсдлүүд нь тухайн Төслийн байршилд хамаарах бөгөөд тухайн салбарын стандарт практикт тулгуурлан зохицуулах боломжтой. Нарийвчилсан үнэлгээний ажил эхэлсэн бөгөөд Зээлдэгчээс тодорхой асуулт асууж, хариулт авсны үндсэн дээр Зээлдэгч төслийг Банкны Гүйцэтгэлийн шаардлагад нийцүүлэн хэрэгжүүлэх чадвар, чадавхитай гэж тодорхойлогдсон. Гэхдээ рашаан усны нөөц эх ундарга, тухайн нөөцийг ашиглах, тордож хамгаалах тогтвортой ажиллагаа, мөн барилгын ажил, гэрээт компаний менежментийн процедурын үр нөлөөтэй байдал зэрэгтэй холбоотой үнэлгээ хийх, хүндрэл үүсэх үед саармагжуулах арга замыг тодорхойлох зорилгоор нарийвчилсан үнэлгээний ажлууд үргэлжлэн хийгдэх болно.

Техник хамтын ажиллагаа

Байхгүй.

Нөхөн оролцоо

Ковидын нөхцөл байдлаас үүдэн үүссэн эдийн засгийн тодорхойгүй байдал нь Монголын арилжааны банкуудын урт хугацаат санхүүжилт олгох боломжийг хязгаарлах эсвэл санхүүжилтийн өртгийг хэт өндөр болгож байна. Үүсээд буй уг орон зайг ЕСБХБ санхүүжилт нөхөж байна.

Компаний холбоо барих мэдээлэл

Г.Энхтүвшин

Enkhtuvshin.Go@mcs.mn

<http://mcs.mn>

Шангри-Ла Улаанбаатар, 24 дүгээр давхар

Олимпын гудамж, Сүхбаатар дүүрэг-1

Улаанбаатар 14241

Шилжилтийг ойлгох нь

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг [эндээс](#) авна уу.

Бизнес боломжууд

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168

Цахим шуудан: projectenquiries@ebrd.com

Төрийн хэвшлийн төслүүдтэй холбоотой мэдээлэл авахыг хүсвэл [ЕСБХБ-ны Худалдан авалт](#) хэсэгт зочилно уу.

Утас: +44 20 7338 6794

Цахим шуудан: procurement@ebrd.com

Ерөнхий лавлагаа

Дэлгэрэнгүй лавлагааг [ЕСБХБ-ны Лавлагааны маягт](#) ашиглан авах боломжтой.

Байгаль орчин, нийгмийн бодлого (БОНБ)

БОНБ болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа биелүүлэхэд баримтлах арга замуудыг тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх, тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг [БОНБ](#)-д оруулсан болно.

Бүрэн төгс байдал ба комплаенс

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Комплаенс хариуцсан захиралд compliance@ebrd.com цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа явуулдаг улс орнуудын хэлний алианаар ч үйлдэж болно. Ирүүлсэн мэдээлэл нь чин сэтгэлийн байх ёстой.

Мэдээллийн хүртээмжийн бодлого (МХБ)

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах боломжтойг мэдье гэвэл [Мэдээллийн хүртээмжийн бодлого](#) хуудсанд зочилно уу.

Мэдээлэл авах тодорхой хүсэлтээ [ЕСБХБ-ны Лавлагааны маягт](#) ашиглан илгээх боломжтой.

Төслийн хариуцлагын хараат бус механизм (ТХХБМ)

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдлуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн [Байгаль орчин, нийгмийн бодлого](#), эсвэл [Мэдээллийн хүртээмжийн бодлого](#)-ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл [Төслийн хариуцлагын хараат бус механизмын вэб сайт](#), хянан шалгуулах хүсэлт тавих бол [Хүсэлт](#) хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол ipam@ebrd.com цахим шуудангаар хандаж болно.